

Mješoviti Holding „Elektroprivreda Republike Srpske“ Matično preduzeće Trebinje
Zavisno preduzeće „Rudnik i Termoelektrana Ugljevik“ A.D. Ugljevik

Broj: 5995 /21

Dana, 12.03 2021. godine.

Na osnovu člana 69. stav 2. tačka d), člana 70. stav 4. Zakona o javnim nabavkama („Službeni glasnik BiH“ broj: 39/14) i člana 57. Statuta Mješovitog Holdinga „Elektroprivreda Republike Srpske“ Matično preduzeće Trebinje - Zavisno preduzeće „Rudnik i Termoelektrana Ugljevik“ A.D. Ugljevik, na Preporuku Komisije za javne nabavke broj: 5716/21 od 10.03.2021. godine u predmetu: „Nabavka usluge kontrole parovoda, zavara i ostalih mašinskih elemenata“ - putem konkurentskog zahtjeva, interni broj: 16/21, Uprava Preduzeća na sjednici održanoj dana, 12.03. 2021. godine donosi:

ODLUKU

o poništenju postupka javne nabavke: „Nabavka usluge kontrole parovoda, zavara i ostalih mašinskih elemenata“ - putem konkurentskog zahtjeva, interni broj: 16/21

Član 1.

Prihvata se Preporuka Komisije za javne nabavke broj: 5716/21 od 10.03.2021. godine u postupku: „Nabavka usluge kontrole parovoda, zavara i ostalih mašinskih elemenata“ - putem konkurentskog zahtjeva, interni broj: 16/21, te se u skladu sa članom 69. stav 2. tačka d) Zakona o javnim nabavkama BiH poništava predmetni postupak javne nabavke, jer nijedna dostavljena ponuda nije prihvatljiva za Ugovorni organ.

Član 2.

U slučaju ulaganja žalbe na ovu Odluku, Ugovorni organ će postupati u skladu sa članom 100. Zakona o javnim nabavkama.

Član 3.

Ova Odluka će se objaviti na WEB stranici Ugovornog organa: www.riteugljevik.com, istovremeno sa upućivanjem ponuđaču koji je učestvovao u postupku javne nabavke, shodno članu 70. stav 6. Zakona o javnim nabavkama BiH.

Član 4.

Za realizaciju ove Odluke zadužuje se Služba za pravne i korporativne poslove i Komercijalna služba Preduzeća.

Član 5.

Ova Odluka dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama BiH.

OBRAZLOŽENJE

Postupak javne nabavke pokrenut je na osnovu Posebne odluke Uprave Preduzeća broj: 2615/21 od 09.02.2021. godine.

Procijenjena vrijednost nabavke: 49.000,00 KM bez PDV-a.

Obavještenje o nabavci objavljeno je na portalu javnih nabavki pod brojem 1276-7-2-118-3-178/21 od 23.02.2021. godine.

Komisija za javne nabavke Mješovitog Holdinga „Elektroprivreda Republike Srpske“ Matično preduzeće Trebinje - Zavisno preduzeće „Rudnik i Termoelektrana Ugljevik“ A.D. Ugljevik je imenovana Rješenjem Uprave Preduzeća o imenovanju članova Komisije broj: 4429/21 od 01.03.2021. godine.

Zahtjevi za preuzimanje tenderske dokumentacije sa portala javnih nabavki BiH su dostavljeni kako slijedi:

1. „TERMOELEKTRO“ d.o.o. Brčko, broj: 4109/21 od 24.02.2021. godine,

2. „KONTROL INSPEKT“ d.o.o. Beograd, broj: 4109/21 od 24.02.2021. godine i
3. „TERMO KONTROL“ d.o.o. Bijeljina, broj: 4109/21 od 24.02.2021. godine.

U postupku po Izvještaju je utvrđeno da je Komisija blagovremeno i pravilno izvršila otvaranje i ocjenu ponude i o tome sačinila odgovarajući Zapisnik o otvaranju ponuda broj: 4879/21 od 03.03.2021. godine u kojem je utvrđeno sljedeće:

OTVARANJE PONUDA

Do zakazanog roka za prijem ponuda, do 03.03.2021. godine do 12.00 časova, za predmetnu nabavku zaprimljene su dvije ponude, i to:

1. Ponuda „KONTROL INSPEKT“ d.o.o. Beograd, zaprimljena dana 03.03.2021. godine, u 10:33 časova, lično na protokol Preduzeća, a čija cijena ponude iznosi 25.000,00 EUR bez uračunatog PDV-a što preračunato po zvaničnom srednjem kursu CB BiH iznosi: 48.895,75 KM bez uračunatog PDV-a i
2. Ponuda „APAVE VERTECH“ d.o.o. Beograd, zaprimljena dana 03.03.2021. godine, u 10:58 časova, lično na protokol Preduzeća, a čija cijena ponude iznosi 18.400,00 EUR bez uračunatog PDV-a što preračunato po zvaničnom srednjem kursu CB BiH iznosi: 35.987,27 KM bez uračunatog PDV-a.

Predstavnik ponuđača „KONTROL INSPEKT“ d.o.o. Beograd je prisustvovao otvaranju pristiglih ponuda, te mu je primjerak Zapisnika sa otvaranja ponuda broj: 4879/21 od 03.03.2021. godine uručen lično i na isti nije bilo primjedbi. Takođe, navedeni Zapisnik sa otvaranja ponuda je imenovanom ponuđaču dostavljen i putem mejla.

Predstavnik ponuđača „APAVE VERTECH“ d.o.o. Beograd je prisustvovao otvaranju pristiglih ponuda, te mu je primjerak Zapisnika sa otvaranja ponuda broj: 4879/21 od 03.03.2021. godine dostavljen isti dan putem mail-a i na isti nije bilo primjedbi.

OCJENA PONUDE

Zatvoreni sastanak na temu ocjene i poređenja ponuda Komisija za nabavke je održala dana - 10.03.2021. godine, na kojem je konstatovano sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA

OBAVEZNI DOKUMENTI KOJE PONUDA MORA DA SADRŽI	Ponuđač: „KONTROL INSPEKT“ d.o.o. Beograd	Ponuđač: „APAVE VERTECH“ d.o.o. Beograd
Obrazac za dostavljanje ponude - Aneks 2	Dostavljen	Dostavljen
Obrazac za cijenu ponude - Aneks 3	Dostavljen	Dostavljen
Obrazac za povjerljive informacije - Aneks 4	Dostavljen	Dostavljen
Potpisan i ovjeren nacrt okvirnog sporazuma i ugovora - Aneks 5	Dostavljen	Dostavljen
Izjava u skladu sa tačkom 3.1.1 Tenderskog dokumenta	Nije dostavljena	Dostavljena
Izjava u skladu sa tačkom 6.1 po k)	Nije dostavljena	Dostavljena
Popis izvršenog ugovora – Aneks 6	Dostavljen	Dostavljen
Potvrda o izvršenom ugovoru	Dostavljena	Dostavljena, nije u skladu zahtjevom iz Tenderskog dokumenta
Ovjerena Izjava u vezi člana 45. ZJN BiH – Prilog 1	Dostavljena	Dostavljena
Izvod iz sudskog registra	Dostavljen	Dostavljen
Ovjerena pismena izjava ponuđača iz člana 50. ZJN BiH – Prilog 2	Dostavljena	Dostavljena
Ovjerena pismena izjava ponuđača iz člana 52. ZJN BiH – Prilog 3	Dostavljena	Dostavljena
Sertifikat ISO 9001	Dostavljen	Dostavljen, nije u skladu sa zahtjevom iz Tenderskog dokumenta

- **Ponuda ponuđača „KONTROL INSPEKT“ d.o.o. Beograd**, nije ispunila sve uslove postavljene tenderskim dokumentom, te nije prihvatljiva za Ugovorni organ, iz sljedećih razloga:

Tačka 3.1 Tenderskog dokumenta, koja se odnosi na detaljan opis usluge i tehničke karakteristike, u „Napomeni“ propisuje obavezu ponuđača da u sklopu svoje ponude dostavi izjavu da će usluge uraditi u skladu sa zahtjevima standarda EN 13480.

Imenovani ponuđač je u svojoj ponudi propustio dostaviti navedenu Izjavu.

Nadalje, tačkom 6.1 pod k) predmetne tenderske dokumentacije zahtjevano je da su ponuđači u sklopu svoje ponude obavezni dostaviti Izjavu da će najkasnije na dan potpisa ugovora dostaviti Licencu za posjedovanje, za prevoz i uvoz radioaktivnog izvora, izdat od strane Agencije za radijacisku i nuklearnu sigurnost BiH ili države iz koje ponuđač dolazi.

Imenovani ponuđač je u svojoj ponudi propustio dostaviti navedenu Izjavu.

Slijedom svega naprijed navedenog, ponuda ponuđača „KONTROL INSPEKT“ d.o.o. Beograd nije prihvatljiva za Ugovorni organ.

- **Ponuda ponuđača „APAVE VERTECH“ d.o.o. Beograd**, nije ispunila sve uslove postavljene tenderskim dokumentom, te nije prihvatljiva za Ugovorni organ, iz sljedećih razloga:

Tačkom 4.10 pod a) predmetne tenderske dokumentacije, kao jedan od dokaza u cilju ocjene tehničke i profesionalne sposobnosti ponuđača, definisano je da su ponuđači uz Aneks 6 – Popis izvršenog ugovora u obavezi dostaviti:

„Original ili kopija ovjerena od strane nadležne institucije potvrde o izvršenom ugovoru izdatu od strane druge ugovorne strane. Potvrda mora da sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim ugovorima ili

Izjava ponuđača (pod punom materijalnom i krivičnom odgovornošću) o izvršenim uslugama, ukoliko se gore navedene potvrde o izvršenim uslugama ne mogu dobiti iz razloga izvan kontrole ponuđača potrebno je navesti i dokumentovati razloge nemogućnosti dobijanja navedene potvrde (obrazloženje i priložena dokumentacija moraju da se tiču objektivnih okolnosti koji su izvan kontrole ponuđača – Izvršilaca).”

Ponuđač „APAVE VERTECH“ d.o.o. Beograd je na strani 21 svoje ponude dostavio Potvrdu referenci od 26.02.2021. godine izdatu od strane „NIS“ a.d. Novi Sad, te na strani 22 svoje ponude Potvrdu referenci od 01.06.2018. godine izdatu od strane JP „TRANSNAFTA“ Pančevo, a koje Potvrde su dostavljene u formi obične kopije, što nije u skladu sa navedenom tačkom 4.10 pod a) Tenderskog dokumenta.

Dakle, imenovani ponuđač je navedene Potvrde bio u obavezi dostaviti u originalu ili kopiji ovjerenoj od strane nadležne institucije, a ne u formi obične kopije kako je dostavio u svojoj ponudi.

Nadalje, tačkom 4.10 pod d) predmetne tenderske dokumentacije, kao jedan od dokaza u cilju ocjene tehničke i profesionalne sposobnosti ponuđača, propisano je da su ponuđači u svojoj ponudi u obavezi dostaviti neovjerenu fotokopiju važećeg standarda ISO 9001.

Dalje, tačkom 6.3 Tenderskog dokumenta zahtjevano je:

„Ponude i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika Bosne i Hercegovine.

Izuzetno dio prpratne dokumentacije (katalozi, brošure, i sl.) može biti i na drugom jeziku, ali u tom slučaju obavezno prilaže i prevod učinjen i ovjeren od strane ovlaštenog sudskog tumača ili ovlaštene agencije za prevođenje za jezik sa kojeg je prevod izvršen.“

Imenovani ponuđač je na strani 23 svoje ponude dostavio Sertifikat ISO 9001, koji nije na jednom od službenih jezika Bosne i Hercegovine, niti je priložen prevod učinjen i ovjeren od strane ovlaštenog sudskog tumača ili ovlaštene agencije za prevođenje za jezik sa kojeg je prevod izvršen, a kako je to zahtjevano predmetnom tenderskom dokumentacijom.

Zbog svega naprijed navedenog, ponuda ponuđača „APAVE VERTECH“ d.o.o. Beograd nije prihvatljiva za Ugovorni organ.

Tačkom 8.2 Tenderskog dokumenta predviđeno je provođenje E-aukcije. Obzirom da za predmetnu nabavku nije prihvatljiva nijedna dostavljena ponuda, u skladu sa članom 3. stav 3. Pravilnika o uslovima i načinu korištenja E-aukcije (Službeni glasnik BiH broj 66/16) E-aukcija se ne može zakazati, nego se postupak okončava u skladu sa članom 69. Zakona.

U postupku donošenja Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispijelih ponuda, u skladu sa kriterijumima iz tenderske dokumentacije.

U postupku ocjene provedenog postupka, Uprava Preduzeća nije našla razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila u skladu sa Zakonom, podzakonskim i internim aktima i tenderskim dokumentom.

Iz navedenih razloga, primjenom člana 69. stav 2. tačka d) ZJN BiH, te člana 57. Statuta MH „ERS“ MP a.d Trebinje – ZP „RITE Ugljevik“ AD Ugljevik, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi, putem ugovornog organa u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđaču,
2. Upravi Preduzeća,
3. Komisiji za javne nabavke,
4. Službi za pravne i korp. posl.,
5. a/a.



Izv.dir.za posl.proiz.el.ener. i razvoja Termoelektrane _____;
Izvršni direktor za posl.proiz. uglja i razvoja Rudnika _____;
V.D. Izvršnog direktora za ekonomsko-finansijske poslove _____;
Izvršni direktor za korporativne poslove _____;
V.D. Izvršnog direktora za opšte i pravne poslove _____;